

SINDIKAT DOKTORA MEDICINE I STOMATOLOGIJE JAVNE USTANOVE DOM ZDRAVLJA U SARAJEVU  
Sarajevo, Hadžići, A Lažetića br. 2; Tel/fax 033420699; e-mail: [sindikatdmis.sa@gmail.com](mailto:sindikatdmis.sa@gmail.com)

POSLOVNIK O RADU NADZORNOG ODBORA SDMiSJUDZS

**Sarajevo, 27. februar 2015.godine**

Na osnovu člana 22. Statuta Sindikata doktora medicine i stomatologije JU DZ u Sarajevu, Nadzorni odbor SDMiSJUDZS na svojoj Drugoj sjednici, održanoj **27. februara 2015. godine, d o n o s i:**

**P O S L O V N I K**

**O RADU NADZORNOG ODBORA**

**SINDIKATA DOKTORA MEDICINE I STOMATOLOGIJE JAVNE USTANOVE DOM ZDRAVLJA SARAJEVO**

**Član 1.**

Poslovníkom o radu Nadzornog odbora Sindikata doktora medicine i stomatologije JU DZ u Sarajevu (u daljem tekstu: Nadzorni odbor) utvrđuje se način rada, postupak sazivanja i vodjenja sjednica i sva druga pitanja značajna za uspješan rad Nadzornog odbora.

**Član 2.**

Nadzorni odbor vrši kontrolu nad ostvarivanjem politike finansiranja, prilikom i korištenjem članarine i drugih finansijskih sredstava i raspolaganja sindikalnom imovinom i o tome informiše članstvo i Glavni odbor.

Nadzorni odbor može na zahtjev predsjednika Sindikata izvršiti kontrolu finansijskog poslovanja u svim sindikalnim podružnicama.

**Član 3.**

Nadzorni odbor u okviru svojih nadležnosti donosi zaključke, prijedloge, smjernice i izvještaje.

**Član 4.**

Nadzorni odbor raspravlja i odlučuje na sjednicama.

**Član 5.**

Sjednice Nadzornog odbora održavaju se po potrebi, a najmanje jednom godišnje.

**Član 6.**

Predsjednik Nadzornog odbora saziva i predsjedava sjednicama Nadzornog odbora, utvrđuje prijedlog dnevnog reda i datum njenog održavanja.

U odsutnosti predsjednika to čini dopredsjednik Nadzornog odbora uz pismeno odobrenje predsjednika Nadzornog odbora, ili odbora predsjedavajućih Sindikata.

#### **Član 7.**

Predsjedavajući otvara sjednicu i konstatuje da li sjednici prisustvuje dovoljan broj članova Nadzornog odbora potrebnog za punovažno odlučivanje.

Ukoliko sjednici prisustvuje dovoljan broj članova predsjedavajući stavlja prijedlog dnevnog reda na razmatranje i usvajanje.

Član Nadzornog odbora može tražiti izmjene i dopune dnevnog reda.

#### **Član 8.**

Pojedina pitanja razmatraju se prema utvrđenom dnevnom redu. Pravo na diskusiju imaju svi učesnici sjednice. Učesnik u diskusiji treba da govori samo o pitanjima iz dnevnog reda izbjegavajući duga i opširna izlaganja.

#### **Član 9.**

Predsjedavajući ima pravo opomenuti učesnika da se u raspravi ne udaljava od predmeta dnevnog reda.

#### **Član 10.**

Ako učesnik u raspravi želi da replicira na izjavu koja je izazvala polemiku, predsjedavajući će mu dati riječ da ne može govoriti duže od pet minuta.

#### **Član 11.**

Nadzorni odbor može na prijedlog predsjedavajućeg ili člana odlučiti da se rasprava o pojedinim pitanjima prekine da bi se predmet dodatno proučio ili da bi se dopunio materijal, odnosno da se prikupe potrebni podaci do naredne sjednice.

#### **Član 12.**

Nadzorni odbor može punovažno raditi i odlučivati ako sjednici prisustvuje više od polovine ukupnog broja članova Nadzornog odbora.

Odluke Nadzornog odbora su punovažne ako se za njih izjasni većina od ukupnog broja prisutnih članova Nadzornog odbora na sjednici.

#### **Član 13.**

Odluke se u pravilu donose javnim glasanjem ukoliko Nadzorni odbor ne odluči drugačije.

#### **Član 14.**

Sjednice Nadzornog odbora su javne za članstvo.

Ukoliko se radi o bitnim pitanjima o kojima treba upoznati članstvo i širu javnost pozivaju se sredstva javnog informisanja uz saglasnost svih pet (5) članova Nadzornog odbora.

#### **Član 15.**

O primjeni ovog poslovnika stara se predsjednik i dopredsjednik Nadzornog odbora.

#### **Član 16.**

Poslovnik stupa na snagu danom usvajanja.